



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏ

3301ք.Կապան, Գ.Նժդեհի 1, հեռ. Ֆաքս (010) 287822 (0285) 52010, էլ-հասցե՝ [syunik@mta.gov.am](mailto:syunik@mta.gov.am)

## Որոշում

“ 24 ” դեկտեմբեր 2013թ.

№ 183

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏԱՐԱՆՈՒՄ  
ԳԵՆԴԵՐԱՅԻՆ ՀԱՐՑԵՐՈՎ ԶԲԱԴՎՈՂ ՄՇՏԱԿԱՆ ՀԱՆՁՆԱԺՈՂՈՎԻ  
ԿԱՆՈՆԱԴՐՈՒԹՅՈՒՆԸ և ՀԱՆՁՆԱԺՈՂՈՎԻ ԱՆՀԱՏԱԿԱՆ ԿԱԶՄԸ ՀԱՍՏԱՏԵԼՈՒ  
ՄԱՍԻՆ**

Ղեկավարվելով «Իրավական ակտերի մասին» Հայաստանի Հանրապետության օրենքի 19-րդ հոդվածի 1-ին կետով, համաձայն Հայաստանի Հանրապետության կառավարության 2011թ. մայիսի 20-ի «Գենդերային քաղաքականության 2011 թվականի միջոցառումների ծրագրի» N19 արձանագրային որոշման 22-րդ կետի, Հայաստանի Հանրապետության աշխատանքի և սոցիալական հարցերի նախարարի 2012 թ. հունիսի 12-ի N51Ա/1 և Հայաստանի Հանրապետության տարածքային կառավարման նախարար, փոխվարչապետի 2012թ. հունիսի 18-ի N78Ա համատեղ հրամանի. **որոշում եմ.**

1. Հաստատել՝

1) Հայաստանի Հանրապետության Սյունիքի մարզպետարանում գենդերային հարցերով զբաղվող մշտական հանձնաժողովի կանոնադրությունը համաձայն N1 հավելվածի:

2) Գենդերային հանձնաժողովի անհատական կազմը համաձայն N2 հավելվածի:


2. Ուժը կորցրած ճանաչել Հայաստանի Հանրապետության Սյունիքի մարզպետի 2011թ. հոկտեմբերի 21-ի «Գենդերային հարցերով զբաղվող հանձնաժողովի անհատական կազմը հաստատելու մասին» N114Ա որոշումը:

3. Մարզպետարանի աշխատակազմի ղեկավարին. ապահովել սույն որոշումից բխող անհրաժեշտ գործառույթների իրականացումը:

ՀՀ Սյունիքի մարզպետ

Վ. Հակոբյան

2013թ, դեկտեմբերի 24  
ք. Կապան



Կազմը

Հայաստանի Հանրապետության Սյունիքի մարզպետարանում գեներալային հարցերով զբաղվող  
մշտական հանձնաժողովի

Աշոտ Մարոյան	ՀՀ Սյունիքի փոխմարզպետ /հանձնաժողովի նախագահ/
Նաիրա Ավանեսյան	ՀՀ Սյունիքի մարզպետարանի աշխատակազմի կրթության, մշակույթի և սպորտի վարչության պետ
Սեյրան Ավետիսյան	ՀՀ Սյունիքի մարզպետարանի աշխատակազմի ՏԻ և ՀԳՄՀԾ գործունեության համակարգման վարչության պետ
Կառլեն Կոզմանով	ՀՀ Սյունիք մարզպետարանի աշխատակազմի իրավաբանական բաժնի պետ
Արփինե Քարամյան	ՀՀ Սյունիքի մարզպետարանի աշխատակազմի ընտանիքի, կանանց, երեխաների իրավունքների պաշտպանության բաժնի գլխավոր մասնագետ /հանձնաժողովի քարտուղար/
Արամ Շահնազարյան	ՀՀ Սյունիքի մարզպետարանի աշխատակազմի առողջապահության և սոցիալական ապահովության վարչության ,սոցիալական ապահովության բաժնի պետ
Ռուզաննա Տոռոզյան	«Գորիսի կանանց ռեսուրս կենտրոն» ՀԿ տնօրեն /համաձայնությամբ/
Սրբուհի Գրիգորյան	Սիսիանի քաղաքային համայնքի ավագանու անդամ /համաձայնությամբ/
Արմինե Հակոբյան	«Կապանի ֆերմերների ասոցացիա» ՀԿ տնօրեն /համաձայնությամբ/

ՀՀ Սյունիքի մարզպետարանի  
աշխատակազմի ղեկավար



Ռ. Ղազարյան

ԿԱՆՈՆԱԴՐՈՒԹՅՈՒՆ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏԱՐԱՆՈՒՄ  
ԳԵՆԴԵՐԱՅԻՆ ՀԱՐՑԵՐՈՎ ԶԲԱՂՎՈՂ ՄՇՏԱԿԱՆ ՀԱՆՁՆԱԺՈՂՈՎԻ

1 ԸՆԴՀԱՆՈՒՐ ԴՐՈՒՅԹՆԵՐ

1. Գենդերային հարցերով զբաղվող մշտական հանձնաժողովը խորհրդատվական մարմին է, որը ստեղծվում է Հայաստանի Հանրապետության Սյունիքի մարզպետի որոշմամբ:
2. Հանձնաժողովի կազմում կարող են ընդգրկվել Սյունիքի մարզպետարանի շահագրգիռ ստորաբաժանումների, տեղական ինքնակառավարման մարմինների, հասարակական կազմակերպությունների ներկայացուցիչներ և անկախ փորձագետներ:
3. Հանձնաժողովի աշխատանքը համակարգում է Սյունիքի մարզպետարանի աշխատակազմի ընտանիքի, կանանց և երեխաների իրավունքների պաշտպանության բաժինը:
4. Հանձնաժողովն իր գործունեության ընթացքում ղեկավարվում է ՀՀ սահմանադրությամբ, ՀՀ օրենքներով, ՀՀ նախագահի հրամանագրերով և կարգադրություններով, ՀՀ կառավարության և ՀՀ վարչապետի որոշումներով, Սյունիքի մարզպետի որոշմամբ, այլ իրավական ակտերով և սույն կանոնադրությամբ:
5. Սույն կանոնադրությամբ սահմանվում են հանձնաժողովի նպատակը և հիմնական խնդիրները, աշխատանքների կազմակերպումը, հանձնաժողովի նախագահի, անդամների և քարտուղարի պարտականությունները, գործունեության դադարեցման կարգը, ինչպես նաև նիստերի վարման և որոշումների ընդունման կարգը, պայմաններն ու սահմանները:
6. Հանձնաժողովը հաշվետու է ՀՀ Սյունիքի մարզպետին և մինչև յուրաքանչյուր կիսամյակին հաջորդող ամսվա 15-ը նրան է ներկայացնում տեղեկատվություն իր կողմից կատարված աշխատանքների մասին: Հանձնաժողովը նաև յուրաքանչյուր տարի մինչև հունվարի 31-ը Հայաստանի Հանրապետության գենդերային քաղաքականության լիազոր մարմին է ներկայացնում տեղեկատվություն նախորդ տարվա կատարված աշխատանքների մասին:

## 2. ՀԱՆՁՆԱԺՈՂՈՎԻ ՆՊԱՏԱԿԸ ԵՎ ԽՆԴԻՐՆԵՐԸ

7. Հանձնաժողովի նպատակն է աջակցել Սյունիքի մարզում գենդերային հարցերով պետական քաղաքականության իրականացմանը, նպաստել Հայաստանի հանրապետությունում գենդերային քաղաքականությանը ուղղված ռազմավարական ծրագրերի իրագործմանը:

8. Հանձնաժողովի խնդիրներն են.

1) գենդերային պետական քաղաքականությանը համահունչ՝ Սյունիքի մարզում գենդերային քաղաքականության և գենդերային բռնության դեմ պայքարի ամենամյա, տարեկան ծրագրերի մշակումը և դրանց իրականացմանն ուղղված աշխատանքների աջակցելը,

2) համայնքներում գենդերային քաղաքականության ներուղղման իրականացմանն աջակցելը,

3) մարզում գործող շահագրգիռ մարմինների, հասարակական և միջազգային կազմակերպությունների հետ համագործակցության մեղանիզմների ստեղծումը:

9. Հանձնաժողովը քննարկում և ընդունում է խորհրդատվական բնույթի որոշումներ հետևյալ հարցերի վերաբերյալ՝

1) արդյունավետ գենդերային քաղաքականության իրականացում,

2) հասարակության իրազեկվածության մակարդակի բարձրացում,

3) տարածքային և տեղական ինքնակառավարման մարմիններում աշխատողների գենդերային հիմնախնդիրներին առնչվող գիտելիքների և իրազեկվածության մակարդակի բարձրացում,

4) գենդերային հիմնախնդիրների լուծման գործընթացում զանգվածային լրատվամիջոցների դերի բարձրացում:

## 3. ՀԱՆՁՆԱԺՈՂՈՎԻ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ

10. Հանձնաժողովը կազմված է նախագահից, անդամներից և քարտուղարից, որոնք հանձնաժողովի աշխատանքներին մասնակցում են հասարակական հիմունքներով: Հանձնաժողովում կարող են ընդգրկվել առավելագույնը 11 անդամ:

11. Հանձնաժողովն իր աշխատանքները կազմակերպում է նիստերի միջոցով, որոնք գումարվում են հանձնաժողովի նախագահի կողմից, ըստ անհրաժեշտության, բայց ոչ պակաս, քան յուրաքանչյուր եռամսյակը մեկ անգամ: Ըստ անհրաժեշտության, հանձնաժողովի անդամների 1/3-ի նախաձեռնությամբ կարող են հրավիրվել արտահերթ նիստեր:

12. Հանձնաժողովի նիստերն իրավազոր են, եթե դրանց մասնակցում են հանձնաժողովի անդամների կեսից ավելին:

13. Հանձնաժողովի նիստերը վարում է հանձնաժողովի նախագահը կամ նրա հանձնարարությամբ՝ հանձնաժողովի անդամներից մեկը:

14. Հանձնաժողովի որոշումներն ընդունվում են բաց քվեարկությամբ, նիստերի մասնակիցների ձայների մեծամասնությամբ: Ձայների հավասարության դեպքում հանձնաժողովի նախագահի ձայնը վճռորոշ է:

15. Հանձնաժողովի նիստի օրակարգը կազմվում և համապատասխան փաստաթղթերով տրամադրվում է հանձնաժողովի անդամներին՝ գումարվող նիստից առնվազն 2 օր առաջ:

16. Հանձնաժողովի նիստերն սկսվում են նիստի օրակարգի հաստատմամբ և նախորդ նիստում ընդունված որոշումների կատարման ընթացքի մասին զեկուցմամբ:

17. Հանձնաժողովի որոշումներն ստորագրում է հանձնաժողովին նախագահը:

18. Հանձնաժողովի նախագահի հրավերով նիստին կարող են մասնակցել հասարակական կազմակերպությունների և զանգվածային լրատվության միջոցների ներկայացուցիչներ:

#### 4. ՀԱՆՁՆԱԺՈՂՈՎԻ ՆԱԽԱԳԱԿԸ

19. Հանձնաժողովի նախագահը՝

- 1) ղեկավարում է հանձնաժողովի գործունեությունը.
- 2) նշանակում է հանձնաժողովի նիստի անցկացման օրը.
- 3) հրավիրում և վարում է հանձնաժողովի նիստերը.
- 4) ներկայացնում է հանձնաժողովն այլ մարմինների և կազմակերպությունների հետ փոխհարաբերություններում.
- 5) հանձնաժողովի հաստատմանն է ներկայացնում օրակարգը:

#### 5. ՀԱՆՁՆԱԺՈՂՈՎԻ ԱՆԴԱՄՆԵՐԸ

20. Հանձնաժողովի անդամները՝

- 1) իրավունք ունեն՝
    - ա) հարցեր ներկայացնելու հանձնաժողովի քննարկմանը.
    - բ) առաջարկություններ ներկայացնելու հանձնաժողովի գործունեության, ինչպես նաև նիստի օրակարգում ընդգրկված հարցերի վերաբերյալ.
    - գ) հանձնաժողովի որոշումների վերաբերյալ (ներկայացնելու հատուկ կարծիք.
    - դ) ծանոթանալու հանձնաժողովի նիստերի արձանագրություններին.
  - 2) պարտավոր են՝
    - ա. մասնակցել հանձնաժողովի աշխատանքներին,
- բ. կատարել հանձնաժողովի որոշումները և նրա նախագահի հանձնարարականները:

## 6. ՀԱՆՁՆԱԺՈՂՈՎԻ ՔԱՐՏՈՒՂԱՐԸ

21. Հանձնաժողովի քարտուղարը՝

- 1) արձանագրում է հանձնաժողովի նիստերը և կազմում հանձնաժողովի որոշումներին նախագծերը.
- 2) նախապատրաստում է հանձնաժողովի նիստի օրակարգին վերաբեվող համապատասխան նյութերի տրամադրումը հանձնաժողովի անդամներին.
- 3) հետևում է հանձնաժողովի որոշումների կատարմանը և հանձնաժողովի նիստերում զեկուցում դրանց կատարման մասին.
- 4) վարում է հանձնաժողովի աշխատանքների հետ կապված գործավարությունը.
- 5) հրականացնում է հանձնաժողովի և նրա նախագահի հանձնարարականները:

## 7. ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԿԱՐԳԸ

22. Հանձնաժողովի գործունեությունը դադարում է Հայաստանի Հանրապետության Սյունիքի մարզպետի որոշմամբ:

ՀՀ Սյունիքի մարզպետարանի  
աշխատակազմի ղեկավար



Ռ. Ղազարյան